

A.S.U. TA DUNA HOMENAHE NA SR. JOSIAH

LAVEIST

ORANJESTAD(AAN)--- Diadomingo awor, Directiva di Aruba SPort Unie lo duna merito na Sr. Josiah Laveist, cambiando number di San Nicolas Sport Park den Josiah "Joe" Laveist SPort Park pa su dedicacion y labor incansabel den e stadion aki.

Su number oficial ta Josiah Valentine Laveist, pero den boca di su pueblo cual ta San Nicolas, y pa esunnan cu conoce su number ta "Joe".

Joe a nace na St. Maarten parti Hulandes ariba 29 di Maart 1918.

Joe a haña su educacion basico na St. Maarten y despues na Sto. Domingo.

Durante aña 1936 pa 1937, Joe, a bini Aruba y a cuminza traha pa Lago Oil & Transport Co. Lmt den Dinning Hall.

Na aña 1946 Joe a cuminza traha den Lago SPort Park como Maintenance den servicio di Lago, e tempo ey ainda Lago tabata doño di Lago Sport Park.

Joe tabata e motor tras di tur preparacion pa actividadnan deportivo y social den Lago SPort Park.

Pa weganan di aña di La Reina, Lago tabata manda un baki grandi cu nan ta yama Ross Carrier den cual tabata tin tur sorto di material pa preparacion di e weganan.

tambe Joe tabata prepara e.o. tereno pa A.S.U. week pa weganan internacional, lugar pa train boxeo pa e conocido Sugar Boy Nando, ferton.

Joe tambe tabata un figura popular den deporte.

E deportenan cu e a practica mas tabata Kriquet un deporte masha in e tempo ey, tambe e a practica Baseball AA.

E tabata hungador di Nesbith, Aruba Dodgers, Antraco.

Joe a cumpli 25 aña den Servicio di Lago trahando na Lago Sport Park, pa e ocasion aki e a worde honra cu un holoshi di oro como aprecio pa su gran labor y dedicacion.

Na e mesun aña 1968 cu

Lago a pasa Lago SPort Park pa ASU, Joe a drenta den servicio di ASU y a sigui cu su trabaonan.

Despues cu Lago a cera su portanan, Lago Sport Park a cambia di number pa San Nicolas Sport Park.

Joe a traha en total mas cu 50 aña den San Nicolas Sport Park.

Na aña 1991, Joe a ricibi

condecoracion Real den 'Ridder In de Orde van Oranje Nassau' for di Gobernador Felipe B. Tromp (Q.E.P.D.).

Joe lo cumpli e aña aki 27 aña den servicio di ASU.

Directiva di ASU y Joe su coleganan cu gran satisfaccion lo dedica e Diadomingo aki na "Joe" un persona sim-

patico y cu semper a cumpli cu su responsabilidad.

Joe a cumpli awor ta toca pa duna e balor cu e merece.

Na famianan di "Joe" directiva kier duna gradicimento y felicita nan cune dia grandi na number di nan ser keri.

Cu nos Señor dna nos amigo "Joe" hopi aña mas di bida hunto cu su familiaresnan.